

Solo Deporte.....

Bo Curason...den nos man, diadomingo na TeleAruba

Ripiticion di programa "Open Hart Missie" haci na Hospital

Recientemente Aruba a conoce un etapa nobo den cuida di pashentnan di curason cu e prome "Open Hart Missie" cu a tuma luga na Dr. Horacio E. Oduber Hospitaal. Cu esaki nos hospital a marca historia y a habri caminda pa mas desaroyo positivo y, en realidad, innovacion den cuida medico na Aruba.

Durante di e proceso di preparacion y e cuida cu a sigui, hospital y un team di produccion a sigui e desaroyo di e pashent cu a ricibi e prome operacion, esta Catharina Petrochi. Un poco nervioso, pero cu balentia y un fe inmenso, sra. Petrochi a pone su curason den man di e profesionalnan medico aki na Aruba – un team cu ta consisti di cardiologonan y

enfermeronan di hospital y ciruganonan y nan asistentenan di Hulanda.

Den e documentario di 30 minuut, hospital ta splica paso pa paso, cu uzo di idioma cu tur hende ta compronde y ilustracionnan hopi cla, e banda medico/tecnico di sra. Petrochi su condicion y su operacion.

Diotro banda, sra. Petrochi, un dama cariñoso cu hopi curashi, kende a pone ful su confiansa den e team tras di e mision aki, ta conta su experiencia. Cu sinceridad y emociona, e ta conta con e y su famia a prepara, con el a sinti minuutnan y secondenan prome cu su operacion, con a bay despues di su operacion, etc.

Semper cu un sonrisa riba su cara, rato rato ta wak e lagrimanan di emocion, nervio y alegria den su wowonan. Sra. Petrochi ta recuperando bon, su famia ta feliz cu e por a wordo opera na Aruba mes, unda cu el a bay cas despues di su operacion y ricibi tur e

atencion y cuida den su ceno y ambiente familiar.

Dr. Horacio E. Oduber Hospital ta gradici e nueve pashentnan y nan famianan cu a pone nan confiansa den e prome "Open Hart Missie".

Comunidad di Aruba ta

keda cordialmente invita pa sintonisa TeleAruba diadomingo atardi 5:30pm pa e documentario "Bo Curason...den nos man" y sigui paso pa paso e mision historico aki cu ta un desaroyo impactante riba tereno medico na Aruba.

